



Uummannaq 8. August 2011

Inatsisartut suleriaasianni § 37 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut Apeqqut:

1. Uummannap eqqaani qaleralittassiissutit nungunnissaat ukioq naanngitsoq naatsorsuutigineqarpa?
2. Maannakkut qaleralittassiissutit tons-it qassit sinneruppat?
3. Qaleralittassiissutit sinneruttut ukiut siulii malillugit qanoq sivistigisumik aalisarneqarnissaat naatsorsuutigineqarsinnaappat?
4. Nungussagalarpata Naalackersuisut qaleralittasseeqqinnissamik pilersaaruteqarpat?

(Inatsisartuni ilaasorta, Kristian Jeremiassen Siumut)

Tungavilersuut

Uummannap eqqaani qaleralittassiissutit nungupput ukioq kingulleq siusissukkut, tamannalu assingiinnngitsutigut ilaqutariinnut sunnuteqarnerlupoq aningaasaqarneq eqqarsaatigalugu.

Taamaammat maannakkut apeqquteqaatigivara ukioq manna qaleralittassiissutit Uummannap kangerluani ukioq naanngitsoq pisassiissutit tamakkernissaat naatsorsuutigineqarpat?

Taamatullu maannakkut Uummannap kangerluani qaleralittassiissutit tons-it qassit sinneruppat?

Qaleralittassiissutillu sinneruttut qanoq sivistigisumik aalisarneqarsinnaaneri ukiut siulii malillugit aalisarneqarsinnaanersut aamma naatsorsoqquara.

Naggataatigullu Uummannap kangerluani qaleralittassat nungukkaluarpata Naalackersuisut aalisarnikkut sulineq ingerlaannaqqullugu qaleralittasseeqqinnissamut pilersaaruteqarpat?

Kissaatigaara apeqquteqaatikka ullut suliffiusut qulit iluanni akineqareersimanissaat.